



Kommuninut tamanut

Ulloq/Dato: 19-02-2015
J. nr.: 01.01.05/15

KANUKOKA-mut aallartitat marsimi 2015 immikkut ittumik ataatsimiinnissaannut qaaqqsissut

KANUKOKA-p siulersuisuisa februaarip 10-ani 2015 aalajangererat naapertorlugu matumuuna qaaqqsivunga **aallartitat immikkut ittumik telefonikkut ataatsimiinnissaannut ulloq 19. marsi 2015 nal. 13.00.** Ataatsimiigiaqqusineq kattuffiup malittarisassaani § 5 imm. 8 naapertorlugu pivoq, tassani allassimammatt aallartitat immikkut ittumik ataatsimiinneri ingerlanneqartassat siulersuisut tamanna aalajangerpassuk, imaluunniit kommunit ilaasortaasut minnerpaamik marluk taamatut piunasaqarpata.

Ataatsimiissutigineqartussat pingaernerit tassaapput siulersuisunut ilaasortat sinniisussaannik toqqaanissaq aamma siulittaasussamik nutaamik qinersinissaq. Aammattaaq KANUKOKA-p siunissami qanoq iluseqarnissaa sunillu suliaasaqarnissaa pillugit ukioq manna ataatsimiittarnissat ilisimatitsissutigineqassapput.

Aallartitat immikkut ittumik ataatsimiinnissaannut tunuliaqutaasut erseqqinnerusut pillugit inner-suussutigerusuppakka paasisutissat ullormut oqaluuserisassanut siunnersuutitut ilanngullugit nassiunneqartut:

Oqaluuserisassanik saqqummiussissut oqaluuserisassanik ataasiakkaanik nassuiaataasoq, aamma *siulersuisut ataatsimiinnerannit imaqarniliaq* siulittaasussarsiorinissaq aammalu KANUKOKA-p ilusissaata suliarineqarnissaa pillugu siulersuisut qanoq isumaliuteqarsimanerannik takussutissii-soq. Kiisalu *aallartitat allattorsimaffiat* taamatullu *kattuffiup malittarisassai* ilisimatitsissutitut ilanngunneqarput.

Malugeqqunarpoq siulersuisunut ilaasortat inuttut sinniisussaannik qinersineq angissutsit najoqqutaralugit D'Hondtip agguataareriaasia malillugu pisussaammat, kisiannili siulittaasussaq taas-sumalu inuttut sinniisussaa nalinginnaasumik amerlanerussusiinikkut qinerneqassammata. Aamma malugeqqunarpoq siulersuisunut ilaasortat sinniisussaannik qinersinissamut tunngatillugu partiinik suleqatigiikkuutaanik nalunaaruteqarnissamut periarfissaqarmat (malittarisassani § 6 imm. 3 aamma imm. 9 naapertorlugit). Taamaattoqassappat tamanna kattuffiup allattoqarfianut nalunaarutigeqquneqarpoq kingusinnerpaamik 19. marsi nal. 11.00.

Siulersuisut aalajangiussimavaat ataatsimiinneq telefonikkut ingerlanneqassasoq, 2008-mi aallartitat ataatsimiinneranni aalajangiineq tamatumunnga periarfissiisoq naapertorlugu.

Ataatsimiinneq KANUKOKA-p Nuummi allattoqarfiani ataatsimiittarfimmit siulersorneqassaaq, naatsorsuutigineqarporlu Kommuneqarfik Sermersuumit aallartitat tassani peqataassasut. Kommune Kujalleq, Qeqqata Kommunian aamma Qaasuitsup Kommunian allatsimut Inger Heilmann

Larsenimut telefonit normuinik aallartitat allat ataatsimiinnermi atorumaagassaannik ilisimatitseqquneqarput, uunga: inhl@kanukoka.gl, tlf. 36 21 02.

Inussiarnersumik

A handwritten signature in blue ink that reads "Martha Abelsen". The signature is written in a cursive style with a light blue background behind the text.

Martha Abelsen
siulittaasoq



KANUKOKA

**Aallartitat immikkut ittumik ataatsimiinnerat
19. marsi 2015 nal. 13.00**

Telefonikkut ataatsimiinneq

Ullormut oqaluuserisassanut siunnersuut

1. Tikilluaqqusineq
2. Ataatsimiinnermi siulersuisussamik toqqaaneq
3. Ullormut oqaluuserisassat akuersissutigineqarnerat
4. KANUKOKA-p siulersuisuini sinniisussanik qinersineq
 - a) Ole Mølgaard-Motzfeldtip sinniisussaanik qinersineq
 - b) Kelly Berthelsenip sinniisussaanik qinersineq
 - c) Naja Petersenip sinniisussaanik qinersineq
5. KANUKOKA-p siulersuisuisa siulittaasussaannik qinersineq
6. Siulittaasutut qinigaarlaap sinniisussaanik qinersineq
7. 2015-imi juunimi piffissap qinigaaffiup qiteqqunnerani aallartitat isumasioqatigiinnissaat oktobarimilu aallartitat immikkut ittumik ataatsimiinnissaat pillugit ilisimatitsineq
8. Taasariaqartut allat



Aallartitat immikkut ittumik ataatsimiinnerat ulloq: 19-03-2015
Oqaluuserisassani imm. nr. **3-mit 7-imut**

Aallartitat immikkut ittumik ataatsimiinnerat 19. marsi 2015

Suliassamik saqqummiussineq:

KANUKOKA-mi siulersuisut 10. februaari 2015 ataatsimiinnerminni aalajangiuppaat aallartitat immikkut ittumik ataatsimiinnissaannut aggersaasoqassasoq, ataatsimiigiagqusinermi oqaluuserisassatut siunnersuut tunngavigalugu. Aallartitat immikkut ittumik ataatsimiigiagquneqarnerat KANUKOKA-p malittarisassaani § 5, imm. 8 naapertorlugu pivoq, tassani ersimmat immikkut ittumik aallartitat ataatsimiinneri ingerlanneqartassasut siulersuisut tamanna aalajangerpassuk, imaluunniit kommunit ilaasortaasut minnerpaamik marluk taamatut piumasaqarpata. Aalajangersakkami tassani aamma ersippoq ataatsimiigiagqusineq allaganngorlugu nassiunneqassasoq ullormut oqaluuserisassanik nalunaaruteqarnermik ilaqartumik, minnerpaamik ataatsimiinnissaq qaammammik ataatsimik sioqqullugu.

Siulersuisut aalajangiuppaat aallartitat ataatsimiinnerat telefonikkut ataatsimiinnertut ingerlanneqassasoq, malittarisassani piumasarineqanngimmat aallartitat ataatsimiinnerat naapilluni ingerlanneqassasoq.

Aallartitat ataatsimiinneranni malittarisassat naapertorlugit aallartitat siunnersuuteqarsinnaapput, oqaaseqarsinnaapput taasisinnaallutillu. Tamatumalu saniatigut ataatsimiinnermi aqutsisup aalajangersinnaavaa allat ataatsimiinnermi oqaaseqarsinnaanerat.

Saqqummiussissutitut allakkiami matumani ersarinnerusumik allaaserineqarpoq aallartitat ataatsimiinnerminni suna isummerfigisussaanerat, ilanngullugu nassiunneqartoq ullormut oqaluuserisassat allasimaffiat naapertorlugu.

Ad imm. 3 ullormut oqaluuserisassanut siunnersuummi: Ullormut oqaluuserisassat akuersissutigineqarnerat

Siulersuisut ulloq 10. februaari 2015 ataatsimiinnerminni aalajangiuppaat ullormut oqaluuserisassanut siunnersuut qanoq ittoq aallartitat ataatsimiinneranni saqqummiunneqassanersoq. Tamatumalu kingorna aallartitat aalajangertussaapput ataatsimiinnermi ullormut oqaluuserisassat allasimaffiat akuerissanerlugu.

Aallartitat ullormut oqaluuserisassat allassimaffiat siunnersuutigineqartutut isikkoqartillugu akuersissutigisinnaavaat, imaluunniit ataatsimiinnermi oqaluuserisassanik allanik ilaneqarnissaa siunnersuutigisinnaallugu, imaluunniit oqaluuserisassatut siunnersuutaasut ilaat ataaseq arlaqartulluunniit peersinnaallugit.

Ullormut oqaluuserisassanut siunnersuummut nassiunneqareersumut allannguutissatut siunnersuuteqartoqassappat siunnersuuteqartoqassanngippalluunniit ullormut oqaluuserisassat allassimaffiat aallartitanit akuersissutigineqaaqqaassaaq, taavalu oqaluuserisassat ataasiakkaarlugit ataatsimiinnermi aqutsisumit oqaluuseritineqassallutik.

Aallartitat ataatsimiinneranni aalajangernerit akuersissutigineqartut oqaluuserisat akuersissutigineqartut allassimaffianni imaqarniliami allanneqassapput.

**Ad imm. 4 ullormut oqaluuserisassanut siunnersuummi:
KANUKOKA-p siulersuisuini sinniisussanik qinersineq**

Siulersuisuni ilaasortanut inuttut nammineq sinniisussanik nutaanik toqqaasoqassaaq, siulersuisuni taarsiisoqarsimanera pissutigalugu. Maannamut siulersuisuni ilaasortaasut Jess Svane aamma Peter Olsen Inatsisartunut qinigaasimapput, Mette Sofie Lerchilu Qeqqata Kommuniani kommunalbestyrelsimi ilaasortaanerminit sulinnigiffeqarluni, kommunimut allamut nuunnini pissutigalugu. Tamannalu isumaqarpoq qulaani pineqartut inuttut sinniisussaat kattuffiup malittarisassai naapertorlugit siulersuisunut ilaasortanngortut. Tassani pineqarput Ole Mølgaard-Motzfeldt, Kelly Berthelsen aamma Naja Petersen.

Mette Sofie Lerch Qeqqata Kommuniani qinigaaffimmi uani kommunalbestyrelsimi ilaasortanngoqqissagalarpat tamanna isumaqassaaq aamma KANUKOKA-p siulersuisuini ilaasortanngoqqissasoq, taavalu Naja Petersen sinniisussanngoqqissasoq.

Aallartitat immikkut ittumik ataatsimiinnerani taamaattumik siulersuisuni ilaasortanngortut nammineq inuttut sinniisussaannik toqqaasoqassaaq, taamaattoq imaasillugu Naja Petersenimut inuttut sinniisussanngortumut tunngatillugu nalunaarneqassalluni qinersineq taanna taamaallaat atuutissasoq Mette Sofie Lerchip sulinnigiffeqarnerminik unitsitsilluni siulersuisuni ilaasortanngoqqinnginnerani.

Pingaaruteqarpoq erseqqissassallugu sinniisussanik pingasunik toqqaaneq 2015-ip naanissaanut taamaallaat atuutissasoq, siulersuisussanik nutaavinnik qinersisoqartussaammat Kommuneqarfik Sermersuup ilaasortaajunnaarnera 1. januaari 2016 aallarnerfigalugu atuutilerpat, aamma / imaluunniit kattuffik aqqissuussaannermigut allannguuteqassappat, nutaanik siulersuisussanik qinersisoqarnissaanik pisariaqartitsilersussamik.

Qinigassanngortittussanut taakkualu sinniisussaannut siunnersuutit aallartitat ataatsimiinnissaat sioqqullugu KANUKOKA-p allattoqarfianut nalunaarutigeqarsinnaapput, taamaattoqassappallu taakkuninnga isertuussinissaq isumagineqassaaq. Aamma ataatsimiinnerup nammineq nalaani sinniisussanik toqqarneqartussanik siunnersuuteqartoqarsinnaavoq.

KANUKOKA-p malittarisassaani § 6, imm. 9 naapertorlugu aallartitat qinersinermi suleqatigiit sinniisussamik pineqartumik toqqaasimasut, maanna siulersuisuni ilaasortanngortumik aamma sinniisussamik nutaamik toqqaasussaapput. Tassa imaappoq:

- Qinersinermi suleqatigiit aallartitat ileqquusumik 2013-imi ataatsimiinneranni Ole Mølgaard-Motzfeldt-imik Jess Svane-mut sinniisussamik qinersisimasut Ole Mølgaard-Motzfeldt-imut inuttut sinniisussamik aamma toqqaasapput.
- Qinersinermi suleqatigiit aallartitat ileqquusumik 2013-imi ataatsimiinneranni Kelly Berthelsen-imik Peter Olsen-imut sinniisussamik qinersisimasut aamma Kelly Berthelsen-imut inuttut sinniisussamik toqqaasapput.
- Qinersinermi suleqatigiit aallartitat ileqquusumik 2013-imi ataatsimiinneranni Naja Petersen-imik Mette Sofie Lerch-imut sinniisussatut toqqaasimasut Naja Petersen-imut inuttut sinniisussamik toqqaasapput.

Kattuffiup malittarisassaani § 6, imm. 5 naapertorlugu piumasqaataavoq siulersuisuni ilaasortat taakkualu sinniisussaasa kommunalbestyrelsini ilaasortaanissaat. Malittarisassalli naapertorlugit taakkua Inatsisartuni, Naalakkersuisuni imaluunniit Folketingimi ilaasortaaninnaanngillat. Taamaattumik tamanna qinersinermi suleqatigiittartut inuttut sinniisussamik toqqaanissaminni eqqu-maffigissavaat.

**Ad imm. 5 ullormut oqaluuserisassanut siunnersuummi:
KANUKOKA-p siulersuisuisa siulittaasussaannik qinersineq**

Kommuneqarfik Sermersuup KANUKOKA-mi ilaasortaajunnaarnerata kingunera – inatsisitigut 1. januaari 2016-imiit atuutilersussaq – ilaatigut tassaassaaq maanna KANUKOKA-mi siulittaasuusoq 2015-ip kingorna siulittaasutut ingerlaqqissinnaanngimmat, maanna siulittaasuusoq Kommuneqarfik Sermersuumi kommunalbestyrelsimi ilaasortaagami, taamaattumillu ilaasortaajunnaarneq atuutilerpat kattuffiup siulersuisuini issiasinnaajunnaassalluni.

KANUKOKA-p siulersuisui ulloq 10. februaari 2015 ataatsimiinnerminni aalajangerput Kommuneqarfik Sermersuup ilaasortaajunnaarnerata kingunerisaanik 19. marsi immikkut ittumik aallartitat ataatsimiinneranniit atuutilersussamik siulittaasussamik nutaamik qinersisoqassasoq, taamalu nutaamik siulittaasortaarnissamut 2015-ip naanissaanut utaqqisoqassanngitsoq. Tamanna aalajangiunneqarpoq maannamiit siulittaasumik nutaamik pisariaqartitsisoqarmat KANUKOKA-p nutaap ineriartortinneqarnissaanut – aaqjissuussaaneq nutaaq eqqarsaatigalugu, aammalu kattuffiup siunissami qanoq ittunik suliaqarnissaa eqqarsaatigalugu.

KANUKOKA-mi siulersuisut ulloq 10. februaari 2015 ataatsimiinneranni maanna siulittaasuusoq assut iluarisimaarneqarpoq, taamaattumillu aallartitat immikkut ittumik marsi qaammat ataatsimiinnissaanni siulittaasussamik nutaamik qinersisoqarnissaanik kissaateqarneq taamaallaat tunngaveqarpoq Kommuneqarfik Sermersuup kattuffimmiit ilaasortaajunnaarnissaanik. Kommuneqarfik Sermersoorli ilaasortaajunnaarnissaminik immikkut ittumik aallartitat ataatsimiinnissaat sioqullugu tunuartsissagaluarpat pissutsit allanngussapput.

KANUKOKA-p siulersuisuisa ulloq 10. februaari 2015 aalajangiuppaat pingaaruteqartoq siulittaasussamik nutaamik qinersinerup 2015-ip naanissaata tungaanut taamaallaat atuutinnginnissaa,

kisiannili siulittaasutut qinigaasup piffissap qinigaaffiup sinnerata naanissaata tungaanut atuunnissaa pingaaruteqartoq; tassa 2017-imi tulliani kommunalbestyrelsinut qinersisoqarnissaata tungaanut, taamaalilluni siulersuisuni sulineq aalajaatsumik ingerlanneqarsinnaalersillugu. Siulersuisut pingaartippaat aallartitat siulittaasussamik nutaamik qinersilerunik tamanna eqqumaffigissagaat.

Malugeqquneqassarli Kommuneqarfik Sermersuup 1. januaari 2016 ilaasortaajunnaarneranut atatillugu KANUKOKA-mi siulersuisussanik nutaavinnik qinersisoqartussaammat, tamatumani aamma siulittaasumik nutaamik. Taamaattumillu siulittaasumik nutaamik aallartitat 19. marsi ataatsimiinneranni qinersineq tunngavimmigut taamaallaat 2015-ip naanissaata tungaanut atuuttussaaq.

Taamaammat siulersuisussanik nutaanik qinersisoqassaaq 1. januaari 2016-imiit atuuttussanik, tamatumani aamma siulittaasumik nutaamik, tamannalu aallartitat immikkut ittumik oktobari 2015-imi ataatsimiinneranni pissaaq. Kisiannili sukkulluunniit akornutissaqanngilaq oktobarimi ataatsimiinnermi siulersuisuni siulittaasunngortinneqaqqissappat siulittaasoq aallartitat immikkut ittumik 19. marsi ataatsimiinneranni 2015-ip naanissaata tunngaanut qinigaasimasooq.

Aallartitat immikkut ittumik 19. marsi 2015 ataatsimiinnissaanni siulittaasumik nutaamik qinersinissaaq immikkut ittunik aningaasartuuteqarfiussangatinneqarpoq, tamatumani immaqa nuunnermut aningaasartuutinik, siulittaasunngortoq Nuummi najugaqartariaqassappat, imaluunniit angalanermut aningaasartuutit amerlanerulernerannik, siulittaasoq kommunimi angerlarsimaffigisamini najugaqaannassappat.

Siulittaasussatut qinigaasunngortinniartunut siunnersuutit KANUKOKA-p allattoqarfianut nas-siunneqarsinnaapput, taamaattoqassappallu siunnersuutit isertuunneqarumaarput. Periarfissaqassarli aamma siulittaasussamik siunnersuuteqarnissamut ataatsimiinnermi namminermi.

KANUKOKA-p malittarisassaani § 6, imm. 2 naapertorlugu piumasaqaataavoq siulittaasunngortussap kommunalbestyrelsimi ilaasortaanissaa. Kisiannili Kommuneqarfik Sermersuup laasortaajunnaarnarluni nalunaaruteqarsimanerata kingunerisaanik taamaallaat kommunalbestyrelsinut ilaasortat Qaasuitsup Kommunianeersut, Qeqqata Kommunianeersut imaluunniit Kommune Kujallermesut siulittaasutut nutaatut qinerneqarsinnaapput. Malittarisassalli naapertorlugit siulittaasoq Inatsisartuni, Naalakkersuisuni imaluunniit Folketingimi ilaasortaa sinnaanngilaq. Aallartitallu pissutsit taamaannerat eqqumaffigisariaqarpaat.

KANUKOKA-p malittarisassaani § 6, imm. 2 naapertorlugu siulittaasoq aallartitanit inassuteqar-neq naapertorlugu amerlanerussuteqartunit qinerneqassaaq.

**Ad imm. 6 ullormut oqaluuserisassani siunnersuummi:
Siulittaasutut qinigaarlaap sinniisussaanik qinersineq**

KANUKOKA-p malittarisassaani § 6, imm. 4 naapertorlugu siulittaasumut nutaamut inuttut nammineq sinniisussamik qinersisoqassaaq.

Sinniisussamut siunnersuutit KANUKOKA-p allattoqarfianut nassiuuneqarsinnaapput aallartitat ataatsimiinnissaat sioqqullugu, taamaattoqarpallu taakkua isertuunneqarumaarput. Aammali periarfissaqarpoq sinniisussamut siunnersuutit ataatsimiinnermi namminerimi saqqummiutissallugit. KANUKOKA-p malittarisassaani § 6, imm. 5 naapertorlugu piumasagaataavoq siulittaasumut sinniisussanngorumaartup kommunalbestyrelsini ilaasortaanissaa. Kisianili Kommuneqarfik Sermersuup ilaasortaajunnaarniarluni nalunaaruteqarsimanerata kingunerisaanik taamaallaat kommunalbestyrelsini ilaasortat Qaasuitsup Kommunianeersut, Qeqqata Kommunianeersut imaluunniit Kommune Kujallermeersut siulittaasumut sinniisussatut nutaatut qinerneqarsinnaapput. Malittarisassalli naapertorlugit kingoraartissaq Inatsisartuni, Naalakkersuisuni imaluunniit Folketingimi ilaasortaasinnaanngilaq. Aallartitallu pissutsit taamaannerat siulittaasumut sinniisusamik qinersinissaminni eqqumaffigisariaqarpaat.

KANUKOKA-p malittarisassaani § 6, imm. 2 aamma imm. 4 naapertorlugit sinniisussaq aallartitanit inassuteqarneq tunngavigalugu amerlanerussuteqartunit qinerneqassaaq.

Ad imm. 7 ullormut oqaluuserisassanut siunnersuummi:

2015-imi juunimi piffissap qinigaaffiup qiteqqunnerani aallartitat isumasioqatigiinnissaat oktobarimilu aallartitat immikkut ittumik ataatsimiinnissaat pillugit ilisimatitsineq

2013-imi kommunalbestyrelsinut qinersisoqarnerata kingorna aallartitat ataatsimiinneranni aalajangiunneqarpoq aallartitat kommunalbestyrelsimut qinersiviup qiteqqunnerani isumasioqatigiinnermut katersuukkumaartut. Aallartitat isumasioqatigiinneranni sammisassaq tassaassaaq pisortat ingerlatsineranni aqqissuussaanermik aammalu kommunit aqqissuussaanerannik nalilersuineq.

Pissusissamisuussaaq isumasioqatigiinneq taanna aamma KANUKOKA-p aqqissuussaanera suleriaasissaaq pillugit peqqissaartumik oqallinnermut atorneqarpat, tamatumani aamma kattuffiup siunissami suliasat suut isumagisarilissanerai pillugit oqallinneruppat.

Siulersuisut aalajangererat naapertorlugu piffissap qiteqqunnerani isumasioqatigiinnermi tassani aallartitat 27. oktobari 2015 immikkut ittumik ataatsimiinnissaannut piareersaasiornernik suli-aqartoqassaaq. Ataatsimiinnermi tassani ilaatigut KANUKOKA-p malittarisassasaanut siunnersuutit nutaanik saqqummiussisoqassaaq, siunissami ilusiulersussatut kissaatigineqartut tunngavigalugit.

Ilanngussat:

- Ilanngussaq 1: KANUKOKA-p siulersuisuisa 10. februaar 2015 ataatsimiinnerannit imaqarniliaq.
- Ilanngussaq 2: KANUKOKA-mut aallartitat allattorsimaffiat.
- Ilanngussaq 3: KANUKOKA-p malittarisassai.



Siulersuisut ataatsimiinnerat nr. 01 / 2015, 10. februaari 2014 nal. 13.00

KANUKOKA-p allattoqarfia qitalalugu telefonikkut ataatsimiinneq

MISSILIUUSIAQ

Peqataasut:

Martha Abelsen (**MA**), Siumut, formand
Ole Mølgaard-Motzfeldt (**OMM**), Siumut (telefonikkut)
Naja Petersen (**NP**), Atassut (telefonikkut)
Kelly Berthelsen (**KB**), Inuit Ataqatigiit (telefonikkut)
Malene Ingemann (**MI**), Partii Naleraq
Jørgen Wæver Johansen (**JWJ**), Siumut (telefonikkut)
Asii Chemnitz Narup (**ACN**), Inuit Ataqatigiit
Hermann Berthelsen (**HB**), Siumut
Ole Dorph (**OD**), Siumut

Allattoqarfimmit:

Direktør Hans-Peder Barlach Christensen (**HPBC**)
Konsulent Svend Møller (imaqarniliortoq)

Ullormut oqaluuserisassat

1. Oqaluuserisassat akuerineqarnerat
2. Siulersuisut ataatsimiinnerannit imaqarniliap akuerineqarnera (nr. 6-2014)
3. Ilisimatitseqatigiinneq
4. 2015-imi sulinermi pisussat pingaaruteqartut
 - a) Aallartitat immikkut ittumik ataatsimiinnissaat, telefonikkut sap. ak. 12-imi
- ataatsimiinnissap siulittaasumik siulersuisunullu sinnisussanik qinersiviusussap ullulerneqarnera
 - b) Aallartitat piffissap qiteqqunnerani isumasioqatigiinnerat sap. ak. 24-mi
- isumasioqatigiinnissap ullulerneqarnera, isumasioqatigiinnerup imarissallugit 1) kommu-
nit aqqissuussaanerannik nalilersuineq aamma 2) KANUKOKA-p siunissami qanoq
iluseqarnissaata periaaseqarnissaatalu oqallisigineqarnerat
 - c) Ukiaru aallartitat immikkut ittumik ataatsimiinnissaat
- ataatsimiinnissap ullulerneqarnera, ataatsimiinnerup imarissallugit 1) KANUKOKA-p ilu-
sissaata nutaap aalajangiivigineqarnera, tamatuma ataani malittarisassat nutarterneqarnerat,
aamma 2) siulersuisussanik nutaanik siulittaasussamillu qinersinerit

5. KANUKOKA-p siunissami ilusissaa
6. Taasariaqartut allat

Ad 1) Oqaluuserisassat akuerineqarnerat

Kommuneqarfik Sermersuup KANUKOKA-mut ilaasortaajunnaarniarnera innersuussutigalugu OD-ip kissaatigaa siulittaasussarsiornissaq oqaluuserisassanut ilanngunneqassasoq. Aalajangi-unneqarpoq tamanna oqaluuserisassani imm. 4a-mut atatillugu oqaluuserineqassasoq, tassani sap. ak. 12-imi aallartitat immikkut ittumik ataatsimiinnissaat sammineqassammat.

Tamatuma kingorna ullormut oqaluuserisassat akuerineqarput.

Ataatsimiinnermi atortussanut nassiunneqarsimasunut tunngatillugu MA ilisimatitsivoq kukkunerit marlussuit kalaallisut qallunaatullu atortussani malugiitsoorneqarsimasut. Siulleq tassaavoq sap. ak. 12-imi aallartitat immikkut ittumik ataatsimiinnissaata ullulerneranera. Eqqortoq tassaavoq 19. marsi 2015. Ataatsimiinnissamilu tassani oqaluuserissanut siunnersuummi siulersuisunut ilaasortat sinniisussarsisassat taaneqartut pingajuat tassaassaaq Naja Petersen.

MA ilisimatitsivoq siulersuisunut ilaasortat allannguutaannik ukuninnga:

- Mette Sofie Lerch (Atassut) Qeqqata Kommuniata kommunalbestyrelsianut ilaasortatut sulingiffeqarallarnissaminik akuerineqarsimavoq. Sinniisussaa Naja Petersen taamaalilluni KANUKOKA-p siulersuisuinut ilaasortanngorpoq.
- Jess Svane (Siumut) Inatsisartunut ilaasortanngorsimavoq. Sinniisussaa Ole Mølgaard-Motzfeldt taamaalilluni KANUKOKA-p siulersuisuinut ilaasortanngorpoq.
- Peter Olsen (Inuit Ataqatigiit) Inatsisartunut ilaasortanngorsimavoq. Sinniisussaa Kelly Berthelsen taamaalilluni KANUKOKA-p siulersuisuinut ilaasortanngorpoq.

Ad 2) Siulersuisut ataatsimiinnerannit imaqarniliaq akuerineqarnera (nr. 6-2014)

ACN kissaatigaa qupp. 2-mi imm. "Ilisimatitseqatigiinnerup" ataani paasissutissaq, Kommuneqarfik Sermersooq 2015-imut tunngatillugu naligiissaarinikkut aaqqiigallartoqarsinnaaneranut 54 mio. kr.-inik illikartitsisimasoq, erseqqissaataasumik ima ilassuserneqassasoq: "... Naalakkersuisut 20. aggusti 2014-imi aalajangerannut naapertuuttumik".

Tamatuma kingorna imaqarniliaq akuerineqarpoq.

Ad 3) Ilisimatitseqatigiinneq

Pisarnertut kaajallaasoqarpoq kommunini pisimasut pissutsillu taasariaqartitat pillugit ilisimatitsisoqarluni.

Ad 4) 2015-imi sulinermi pisussat pingaaruteqartut

a) Aallartitat immikkut ittumik ataatsimiinnissaat, telefonikkut sap. ak. 12-imi - ataatsimiinnissap siulittaasumik siulersuisunullu sinniisussanik qinersiviusussap ullulerneqarnera

Aallartitat immikkut ittumik ataatsimiinnerat telefonikkut ingerlanneqartussa q ullulerneqarpoq sisamangornermi 19. marsi 2015 nal. 13.00 pisussanngorlugu.

Immikkut ittumik aallartitat ataatsimiinnissaanni oqaluuserisassanut tunngatillugu, ullormut oqaluuserisassanut siunnersuut nassiunneqarsimasoq naapertorlugu siulersuisunut ilaasortanut sinniisussanik qinersisoqartussaalluni, **OD** siunnersuuteqarpoq siulittaasumik qinersinissaq ilanngunneqassasoq soorlumi tamanna siunniunneqarsimasoq siulersuisut ataatsimiinneranni 9. decembari 2014-imi pisumi.

OD-ip taamatut siunnersuuteqarnini uggorinerarpaa, tassa Martha Abelsen pikkorilluni siulittaasuusimmat. Kisianni Kommuneqarfik Sermersuup 2015-ip naanerani KANUKOKA-mut ilaasortaajunnaarnissaa kommunalbestyrelsip aalajangiisimmagu (tamanna uppersarneqarluni allakkatigut 23. decembari 2014-imeersutigut), pissusissamisuussallunilu pingaaruteqassaaq siusissukkut siulittaasussarsiornissaq, siulittaasunngortoq KANUKOKA-p aaqqissuusaaneraniq nutarterinissamat 2015-ip ingerlanerani piareersarnissaq siuttuuffigeriarlugu 1. januaari 2016-ip kingorna ingerlaqqissinnaaniassamat piffissap qinigaaffiusup matuma sinneranut.

JWJ ilisimatitsivoq siulersuisunut ilaasortat allat marluk telefonip saani issiaqatigisani peqatigalugit **OD**-ip isumaliutai tapersorsorlugit.

ACN-ip oqaatigeqqikkusuppaa siulersuisut decembarimi 2014-imi ataatsimiinneranni oqaatigisimasani, tassa Kommuneqarfik Sermersooq 2015-imi KANUKOKA-mut tamakkiisumik ilaasortaassasoq ilaasortatullu akiliuteqassalluni. Taamaattumik isumaqarnerarpoq Martha Abelsen [Kommuneqarfik Sermersuumi kommunalbestyrelsimut ilaasortaasoq] kommunip aninissaata tungaanut siulittaasuuginnarsinnaalluartoq. Aammami kommunip suli ilaasortaatilluni pisinnataaffini atorniarppaa KANUKOKA-p siunissami qanoq iluseqarnissaanik sunillu suliaasaqartitaanissaanik oqalliseqataalluni.

MA oqarpoq Kommuneqarfik Sermersooq KANUKOKA-mut ilaasortaajunnaassappat ilaasortaajunnaassanngippalluunniit kattuffiup qanoq nutaamik iluseqarnissaa ukiup naajartorerani aalajangiiffisariaqalertussaasoq. Tassami aallartitat piffissap qinigaaffiusup qiteqqunnerani isumasioqatigiinnissaanni aasaru pisussami sukumiisumik iluarsaaqqinnissaq oqallisigineqartussaavoq ukiaru aallartitat immikkut ittumik ataatsimiiseqqinneqarnissaanni malittarisassat aaqqissuusaanerullu aalajangiivigineqarnissaannik malitseqartussamik. Taavalu tulluannngikka-luarpoq ukioq manna marloriarluni siulittaasussarsiussalluni. – Tusaasinnaavarali tamatuma marsip 19-ani aallartitat immikkut ittumik ataatsimiinnissaanni pisussanut ilanngunneqarnissaa kissaatigineqartoq.

HB-ip neriutigigaluarnerpaa Kommuneqarfik Sermersooq isummeqqissasoq ilaasortaagin-narlunilu. Isumaliutiginerarpaa kommunip Naalakkersuisut siulittaasuata oqaasii qanoq igine-
rai, taanna ilisimatitsimmat kommune KANUKOKA-mit aninermigut immikkut isumaqatigini-

arneqartarnaviannitsoq. – Nalugatsiguli qanoq isumaliuteqartoqarnerisooq kommunip aalajange-reersimanera tunngavigalugu iliortariaqarpugut, ajorinngilaralu ukioq manna siusinnerusukkut siulittaasussarsiortoqassappat.

NP isumaqataanerarpooq OD-ip JWJ-illu naliliinerannut.

MI isumaqarnerarpooq Kommuneqarfik Sermersuup ilaasortaajunnaarnissaata tungaanut piffis-sami ikaarsaarfiusumi qanoq aaqqiisoqarsinnaanera isumaliutigisariaqaraluartoq, immaqqa siu-littaasut marluusut ingerlaqatigiissinnerisigut. Maluginiarnerarpaa kommunip ilaasortaajun-naarniarluni allagaani taaneqarmat allaffissornikkut attaveqatigiiffimmik pilersitsisoqartari-aqartoq siunissami sulinermut attuumassuteqarsinnaasut oqaluuserineqarsinnaaqqullugit.

ACN: Ilumoorpoq Kommuneqarfik Sermersooq Naalakkersuisut siulittaasuannit Kim Kielse-nimit allagarsisimammat. - Allagaq atuaqqissaarpara, kisianni maannakkut inernileerusunnigila-nga isumaliutigilluaqqaagassaammat. Kisianni Naalakkersuisut siulittaasuata oqariartuuta er-seqqippooq isumaliornarlunilu.

MA eqikkaavoq oqaatigalugu nutaamik siulittaasussarsiornissaq marsip 19-ani 2015 aallartitat immikkut ittumik ataatsimiinnissaanni oqaluuserisassanut ilanngunneqassasoq amerlanerussu-teqartunit kissaatigineqartoq.

OD ilisimatitsivoq Kommuneqarfik Sermersooq KANUKOKA-mut ilaasortaanermt tunngatil-lugu aalajangernerminik taamanikkussamut allannqortitsisimassappat MA-p siulittaasuuginnar-nissaa tapersersorumallugu.

**b) Aallartitat piffissap qiteqqunnerani isumasioqatigiinnerat sap. ak. 24-mi
- isumasioqatigiinnissap ullulerneqarnera, isumasioqatigiinnerup imarissallugit 1) kommu-nit aaqqissuusaanerannik nalilersuineq aamma 2) KANUKOKA-p siunissami qanoq iluseqarnissaata periaaseqarnissaatalu oqallisigineqarnerat**

Piffissaliussassatut siunnersuutigineqartoq, tassa sapaatip-akunnera juunip arfineq-pingajuani aallartittussaq, Kommune Kujallermut ajorpoq juunip qulingata missaani Canadamut paasiniaa-jartorluni angalasoqartussaammat (aatsitassarsiorfinnut aatsitassanik uranitalinnik paaaffiusu-nut).

KANUKOKA-p Aningaasaqarnermt naalakkersuisoqarfimmiut attaveqarfigissavai piffissalii-neq iluarsiumallugu (tassa Namminersorlutik Oqartussat kommunit pillugit konferenceqartitsi-niarnerat iluatsillugu aallartitat isumasioqatigiinnissaat piffissalerniarneqarmat).

**c) Ukiaru aallartitat immikkut ittumik ataatsimiinnissaat
- ataatsimiinnissap ullulerneqarnera, ataatsimiinnerup imarissallugit 1) KANUKOKA-p ilu-sissaata nutaap aalajangiivigineqarnera, tamatuma ataani malittarisassat nutarterneqarne-rat, aamma 2) siulersuisussanik nutaanik siulittaasussamillu qinersinerit**

Inassutigineqartut piffissaliunneqarpoq 27. oktobari 2015 nal. 13.00. Ataatsimiinneq telefo-nikkut ingerlanneqassaaq.

Ad 5) KANUKOKA-p siunissami ilusissaa

Ullormut oqaluuserisassani immikkoortumut tassunga tunngatillugu oqallisissiaq tassaavoq direktør-ri allakkiaa 3. februaari 2015-imeersoq, ”KANUKOKA-p politikikkut aqunneqarneranut periusissat”.

Oqallinneq pivoq kissaatigisat pingasuusut aallaavigalugit: **1)** Periarfissat assigiinngitsut oqallisissiami taaneqartunit amerlanerusut saqqummiunneqartariaqartut, **2)** siulersuisut katitigaaneranni parteeqarnikkut illuinnaasiortumik ingerlatsisoqalersinnaanera nalilersortariaqartoq, aamma **3)** qanoq piginnaatitsisoqarnera sunillu suliakkiisoqarnera KANUKOKA-p siunissami qanoq iluseqarnissaanut aalajangiisuutittariaqartut.

- 1)-imut oqallisaavoq aallartitat ataatsimiittarnerata atorunnaarsinneqarnissaata saniatigut periarfissanik allanik saqqummiisoqartariaqannginnerseq imaluunniit 2010-mi oktobarimi aallartitat immikkut ataatsimiinnerata tungaanut kommunaldirektør-rit politikikkut aqutsiner- mi ilutsinut assigiinngitsunut periarfissatut taakkartorsimasaat naammariinnginner- sut.

Taamani aallartitat ataatsimiinneranni aaqqiissutissatut siunnersuutigineqartut arlaannaal- luunniit ataaseq orniginartinnagu tamaasa tigulaariffigisutullusooq aalajangiisoqarpoq ullu- mikkut atuuttumik, tassa ukiut sisamakkaarlugit aallartitat ataatsimiittarnissaannik siulersui- sullu amerlineqarnerannik.

- 2)-mut tunngatillugu kissaatiginartinneqarpoq borgmesteriinnarnik siulersuisoqarsinnaane- rup kingunerisaanik partiit angigaluartulluunniit sunniteqarsinnaajunnaaratarnissaannik nalilersuisoqassasoq, pingaartumik partiip ataasiinnaap borgmesteritut qinigaffiit tamaasa inuttalissagaluarpagit.

Tamatumunnga atatillugu eqqaasariaqartutut taaneqarpoq tamatumani pingaarnerusoq tas- saanngimmat siulersuisunut ilaasortap nammineq partiimik tunngaveqarluni politikerit- sulinissaminut pisinnaatitaaffia, pingaarnerusorli tassaammat borgmesterip KANUKOKA-p siulersuisuinut ilaasortatut kommuniminit qanoq piginnaatitaanera.

- 3)-mut tunngatillugu kissaatiginartinneqarpoq politikikkut aqutsinerup qanoq ilusilerneqar- nissaanut ulluinnarnilu ingerlatsinerup qanoq aaqqinneqarnissaanut aalajangiisuutinneqas- sasut kattuffiup sunik siunertaqartinneqarnissaa qanorlu erseqqissumik piginnaatitaaffiler- neqarnissaa.

Aalajangerneqarpoq isumaliutit qulaani taaneqartut KANUKOKA-p siunissami qanoq iluse- qarnissaanik siunnersuusiornerup saqqummiussissummi inassutigineqartutut kommunaldirek- tør-rit peqatigalugit ingerlateqqinneqarnissaani ilanngunneqarumaartut.

Ad 6) Taasariaqartut allat

- **MI** aamma **OD** isumaqarput qimussimik nuna tamakkerlugu pissartanngorniuttarnerit ineri- artornerisa killiffiat kommunit isummerfigisariaqaleraat, tassami aamma pisortanit aningaa- salersugaasarmata. Ingerlanneqartarnerat ippinnartoqarpoq, ilaatigut nerukkaasarnerit qim- minillu angallassisarnerit akisoqisut eqqarsaatigalugit.

- **JWJ**-ip meeqqat atuarianni piffissanut suliffiusunut malittarisassat naliliiffigeqqinneqarnissaat kissaatiginartippaa, tamanna meerarpassuit ilikkagaqarnissaannut sunniuteqarmat. **HP**-ip tamanna uterfigeqqikkumavaa.

KANUKOKA-mut aallaritat	/ Delegerede	Partii	S	IA	A	D	N		Sinniussat/Suppl.	Partii
Kommune Kujalleq:										
Qagortog	Jørgen Wæver Johansen	Siunut	1							
Qagortog	Ole Mølgaard-Motzfeldt	Siunut	1					Nars	Benjamin Kielsen	Siunut
Qagortog	Kelly Berthelsen	Inuit Ataqatigiit		1				Qaq	Debra Klaiest	Inuit Ataqatigiit
Kommuneqarfiik Sermersooq:										
Nuuk	Asii Chemnitz Narup	Inuit Ataqatigiit		1						
Nuuk	Poul Hansen	Demokraati				1		Nuuk	Allan Perti Frandsen	Demokrat
Nuuk	Malene Lynge (orlov)	Inuit Ataqatigiit		1				Nuuk	Storm Ludvigsen	Inuit Ataqatigiit
Nuuk	Martha Abelsen	Siunut	1					Nuuk	Ane E. Mathæussen	Siunut
Nuuk	Peter Davidsen	Siunut	1					Nuuk	Monica Dorph	Siunut
Qeqqata Kommunaa:										
Sisimiut	Hermann Berthelsen	Siunut	1							
Maniitsoq	Aqgalu Skifte	Siunut	1					Sis	Marius Olsen	Siunut
Sisimiut	Mette Sofie Lerch (orlov)	Atassut			1			Sis	Tønnes Kreuzmann	Atassut
Qaasuisup Kommunaa:										
Ilulissat	Ole Dorph	Siunut	1							
Qaanaaq	Jens Danielsen	Siunut	1					Ilu	Palle Jerriassen	Siunut
Uummannaq, Ikerasak	Jens Kristian Therkelsen	Siunut	1					Uum	Sakio Fleischer	Siunut
Aasiaat	Naja Petersen	Atassut			1			Aas	Masauna Peary	Atassut
		subtotal	9	3	2	1		15		
		Partii								
Nuuk	Siulersuisut / Bestyrelsen	Siunut	1					Qaq	Suppleant	Parti
Qagortog	Martha Abelsen	Siunut	1					Qaq	Simon Simonsen	Siunut
Qagortog	Ole Mølgaard-Motzfeldt	Siunut	1					Qaq		Siunut
Aasiaat	Naja Petersen	Atassut		1				Aas.		Atassut
Qagortog	Kelly Berthelsen	Inuit Ataqatigiit		1				Qaq		Inuit Ataqatigiit
Sisimiut	Malene Ingemann	Naleraq				1	1	Nuuk	Mille S. Pedersen	Inuit Ataqatigiit
		total	11	4	3	1	1	20		

KANUKOKA-p malittarisassai

Ateq, siunertaq najugarlu

§ 1.

Imm. 1.

Peqatigiiffik ateqarpoq KANUKOKA, uiggiullugu aqqa naalisagaangitsoq Kalaallit Nunaanni Kommunit Kattuffiat.

Imm. 2. Peqatigiiffiup siunertaraa kommunit ataatsimoorlutik nalinginnaasumillu soqutigisaat isumagissallugit, kommunit akunnerminni suleqatigiinnerat siuarsassallugu kiisalu kommunit ingerlatsineranni ikiussallugit.

Imm. 3. Peqatigiiffik Nuummi najugaqarpoq.

Ilaasortat

§ 2.

Imm. 1.

Kalaallit Nunaanni kommunit tamarmik peqatigiiffimmut ilaasortaasinnaatitaapput. Ilaasortanngorneq Kattuffimmi siulersuisunut allakkatigut pissaaq.

Imm. 2.

Kattuffimmit ilaasortaajunnaarneq pissaaq siulersuisunut allakkatigut ukiumik ataatsimik siumut ilisimatitsilluni ukiup naatsorsuiffiup naanissaanut. Kattuffimmit tunuarnermi kommune tunuartoq Kattuffimmit piunasaqaateqarsinnaanngilaq.

Borgerråd

§ 3.

Kattuffimmi siulersuisut Pituffimmilu Innuttaasut siunnersuisoqatigiivi (borgerråd) isumaqatigiissuteqarsinnaapput suleqatigiinnissamik tamatumanilu aningaasatigut atugassarititaasut pillugit.

Aallartitatut ataatsimiittartut

§ 4.

Imm. 1.

Kattuffimmi qullerpaatut oqartussaapput aallartitatut katersuuttartut.

Imm. 2.

Aallartitat ileqquusumik ataatsimiinnerat ukiut sisamakkaarlugit pisassaaq kingusinnerpaamik kommunalbestyrelsip inissitsitereerneraniit qaammatit sisamat qaangiutsinnagit.

Siulersuisut aallartitat ataatsimiinnissaat kingusinnerpaamik qaammatinik sisamanik sioqqullugu kommunit ilaasortaasut nalunaarfígissavaat ataatsimiinnerup qaqugu sumilu pinissaanik.

Imm. 3.

Kommunalbestyrelsip tunualersup aallartitat ataatsimiinnerat sioqqullugu kingusinnerpaamik marsimi ulluinnarmi siullermi siunnersuummik aallartitat ataatsimiinneranni aalajangiiffi-gisassamik imaluunniit sammisamik oqaluuserisassamik kommunalbestyrelsiulersussanut tunniussissaaq. Siunnersuutit taakku kommunalbestyrelsip nutaap siunnersuutitut kommuni-mit ilaasortaasumit KANUKOKA-p siulersuisuutitut nassiusaanut ilanngunneqassapput.

Kommunit ilaasortaasut aallartitat ataatsimiinnissaanni oqaluuserisassatut siunnersuutaat siulersuisunit tiguneqareersimassapput ataatsimiinnissaq qaammatinik marlunnik sioqqullu-gu.

Siunnersuutit tunngavilersugaassapput imaqaassallutillu aalajangiinissamut imaluunniit oqa-luuserisassatut siunnersuummik.

Imm. 4.

Siulersuisut namminneq siunnersuutitut aamma siunnersuutit tigusat tunngavigalugit aallar-titat ataatsimiinneranni oqaluuserisassanik siunnersuusiussapput.

Oqaluuserisassatut siunnersuutit siulersuisunit allaffeqarfikkoortumik akisassanngortinne-qarsinnaapput.

Imm. 5.

Aallartitat ataatsimiinneranni oqaluuserisassat allaganngorlugit siulersuisunit kommuninut ilaasortaasunut nassiuqqassapput kingusinnerpaamik ataatsimiinnissaq qaammammik ataatsimik sioqqullugu.

Imm. 6.

Aallartitatut katersuuttartut ataatsimiinnermi aqutsisoq namminneerlutik qinissavaat.

Imm. 7.

Ileqqusumik aallartitat ataatsimiinneri tamanut ammasuupput, aallartitatut katersuuttartut ataatsimiinnermut tamarmut imaluunniit oqaluuserisassani immikkoortunut ataasiakkaanut allatut aalajangiinngippata nalinginnaasumik amerlanerussuteqarnikkut.

Imm. 8.

Aallartitat ataatsimiinneranni aallartitaasut siulersuisunilu ilaasortat siunnersuuteqarsinnaati-taapput, oqalussinnaatitaapput taaseqataasinnaatitaallutillu.

Siulersuisunut ilaasortat aallartitatut ataatsimiittartunut ilaanngitsut oqalussinnaatitaapput. Kattuffiup siulittaasuata ataatsimiinnermik aqutsisoq siunerseqatigalugu aalajangersinnaavaa ataatsimiinnermi allanik oqalussinnaatitsinissaq.

Aallartitat

§ 5.

Imm. 1.

Kommunit sisamaasut borgmesterii sisamaasut aallartitatut katersuuttartunut aalajangersi-masumik ilaasortaapput. Taakku saniatigut kommunalbestyrelsit kommunalbestyrelsinut

qinersisoqareersimatsiarpat aallartitassamik 1-imik qinersissapput. Taakkua saniatigut kommunimi innuttaasut amerlassusiisa 10.000-inik aallartitsineri tamaasa aallartitassamik ataatsimik qinersisoqassaaq. Tamatuma peqatigisaanik kommunalbestyrelsit aallartitat sinniisussaannik qinersissapput.

Imm. 2.

Qinersineq piffissami kommunalbestyrelsit qinigaaffianni atuutissaaq.

Imm. 3.

Taaseqataasinnaallutik aallartitatut taakkualu kingoraartissaattut kommunalbestyrelsimi pineqartumi ilaasortat kisimik qinerneqarsinnaapput.

Kommunalbestyrelsimulli ilaasortaq aallartitatut qinigaasinnaangilaq Inatsisartunut, Naalakkersuisunut Folketingimulluunniit ilaasortaaguni. Piffissami qinigaaffigisamini aallartitaq Inatsisartunut, Naalakkersuisunut imaluunniit Folketingimut ilaasortanngoruni aallartitatut tunuassaaq, aallartitallu tunuartup sinniisussaa ilaasortanngussaaq. Kommunalbestyrelse aallartitamik pineqartumik toqqaasimasooq piaarnerpaamik maanna aallatitaalersumut sinniisussamik nutaamik toqqaassaaq.

Imm. 4.

Ilaasortat kommunalbestyrelsip inissitsiterluni ataatsimiinnerata kinguninngua siulersuisunut nalunaarutigissavaat kikkut aallartitatut kingoraartissatullu qinigaasimanersut.

Imm. 5.

Aallartitat, sinniisussat siulersuisunullu ilaasortat aallartitat ataatsimiinneranni peqataanerannut aningaasartuutit, aamma angalanermut, nerisaqarnermut najugaqarnermullu il.il. Kattuffimmit akilerneqassapput.

Aallartitat ataatsimiinnerannut tunngatillugu ullunut angalaffiusunut ataatsimiiffiusunullu tamanut ullormusiaqartitsisoqassaaq angerlarsimaffittut najugarisap avataani tjenestemandinut maleruagassat malillugit. Taakkua saniatigut uppernarsaaserlugu sulinikkut aningaasarsiasaagaluanut annaasanut taartisiaqartitsisoqarsinnaavoq/namminersorluni inuussutisarsiuutilittut honorarisitsisoqarsinnaavoq ulluni angalaffiusuni ataatsimiiffiusunilu.

Peqataasunut allanut, aamma alaatsinaattunut, aningaasartuutit Kattuffiup susassarinnilai.

Imm. 6.

Aallartitat ataatsimiinneranni taasineq pisinnaavoq nammineerluni taasinikkut imaluunniit aallartitat ilaannik allamik piginnaaniliinikkut. Taamaattoq aallartitat ataatsimiinnerini attaveqaatit allat atorlugit nalunaaruteqarnikkut taasisoqarsinnaavoq, taaseqataasinnaatitaasoq najuunnissaminut angallannikkut akissaqarniarnikkulluunniit periarfissaluppallaarpat.

Imm. 7.

Immikkut ittumik aallartitat ataatsimiinnerat pissaaq tamanna siulersuisut aalajangerpassuk, imaluunniit taamaaliortoqarnissaanik kommunit ilaasortaasut ikinnerpaamik marluk piumasaqarpata.

Piumasaqarneq ilaqartinneqassaaq ataatsimiinnermut oqaluuserisassatut tunngavilersukkamik siunnersuummik. Ataatsimiigiaqqusineq pissaaq allaganngorlugu oqaluuserisassaq taallugu aammalu minnerpaamik qaammammik ataatsimik siumut ilisimatitsissutigalugu.

Imm. 8.

Immikkut ittumik aallartitat ataatsimiinnissaata qaquguunissaa sumiinnissaalu siulersuisut aalajangissavaat. Taamaattorli ataatsimiinneq pissaaq qinnuteqaatip tигuneraniit qaammatit arfinillit qaangiutsinnagit.

Siulersuisut

§ 6.

Imm. 1.

Siulersuisut qulingiluanik ilaasorta qarput, siulittaasoq ilanngullugu. Siulittaasoq siulersuisunullu ilaasortat sisamat aallartitat ileqquusumik ataatsimiinneranni kommunalbestyrelsit inisitsiterneranniit kingusinnerpaamik qaammatit sisamat qaangiunneranni qinerneqassapput. Kommunit ilaasortaasut borgmesterii sisamat siulersuisunut aalajangersimasumik ilaasortaapput.

Imm. 2.

Siulittaasoq qinerneqassaaq taasisut amerlanerunerisigut taaseqataasinnaasutut aallartitaasut inassuteqareernerisigut. Siulittaasussamik qinersinissamat kommunalbestyrelsimi ilaasortat qinigassanngortinneqarsinnaapput.

Siulittaasoq Inatsisartunut, Naalackersuisunut Folketingimulluunniit ilaasortaasinnaangilaq. Siulittaasoq qinersiviup iluani Inatsisartunut, Naalackersuisunut Folketingimulluunniit ilaasortanngorpat imm. 8-mi aalajangersarneqartutut iliortoqassaaq.

Imm. 3.

Siulersuisunut ilaasortat sinneri sisamat qinerneqassapput qanoq taasisoqartigineq najoqqutaralugu agguariaaseq (D'Hondt-ip agguariaasia) malillugu partiit ataasiakkaat kommunini ilaasortaasuni kommunalbestyrelsini tamakkiisumik sinniisoqassusiat tunngavigalugu. Siulersuisunut ilaasortatut inissat sisamaasut inuttalerneqarnissaanni partiinik suleqatigiikkuutaanik nalunaaruteqarnissamat periarfissaqarpoq.

Naatsorsuinerimi suleqatigiit inissat pisinnaasaat siulliit siulittaasumit borgmesterinillu sisamanit inuttalerneqartutut naatsorsuutigineqassapput.

Siulersuisunut ilaasortat Inatsisartunut, Naalackersuisunut Folketingimulluunniit ilaasortaasinnaangillat. Siulersuisunut ilaasorta qinigaaffimmi iluani Inatsisartunut, Naalackersuisunut Folketingimulluunniit ilaasortanngorpat imm. 9-imi aalajangersarneqartutut iliortoqassaaq.

Imm. 4.

Tamatumunnga peqatigitillugu taamatulli qinerneqassapput siulersuisuni ilaasortat inuttut kingoraartissaat aamma siulittaasup siulersuisuni ilaasortatut kingoraartissaa. Kommunini borgmesterit tullii pisariaqaraangat borgmesterinut sinniisuusassapput.

Imm. 5.

Siulersuisuni ilaasortatut taakkunungalu kingoraartissatut taamaallaat qinerneqarsinnaapput kommunini ilaasortaasuni kommunalbestyrelsini ilaasortat.

Imm. 6.

Piffissaq qinersivik naatsorsorneqassaaq ullormit aallartitat ataatsimiinneranni siulersuisunut ilaasortassanik qinersiviusumit, atuutissallunilu aallartitat ileqquusumik ataatsimiinneranni tullermi siulersuisussanik qinerseqqittoqarnissaata tungaanut.

Imm. 7.

Siulersuisut nammineerlutik inissitsitissapput qinissallugit siulittaasup tullia siulleq aappaalu aallartitat ataatsimiinneranni qinigaanerminniit qaammatit pingasut qaangiutsinnagit tamatumungalu peqatigitillugu nammineerlutik suleriaasissartik aalajangersassallugu.

Imm. 8.

Siulittaasooq sivisuumik pisinnaangippat, siulittaasup tullia siulleq taartaassaaq siulersuisut qinnuteqarnerisigut siulittaasumik nutaamik aallartitat ataatsimiinneranni qinersisoqarsinnaangornissaata tungaanut.

Imm. 9.

Siulersuisuni ilaasortat sinnerisa arlaat piffissap qinersiviup ingerlanerani kommunalbestyrelsimi ilaasortaajunnaaruni siulersuisunit tunuassaaq taarserneqassallunilu inuttut kingoraartissaminit. Aallartitat qinersinermi suleqatigiit, siulersuisunut ilaasortassatut pineqartumik toqqaasimasut, taava tullianik aallartitat ataatsimiinneranni kingoraartissamik nutaamik toqqaasapput.

Imm. 10.

Siulersuisuni ilaasortaq kommunit aqunneqarnerat pillugu inatsimmi §16, imm. 2, naapertorlugu nammineq kommunerisamini kommunimi qinigaaffimminit minnerpaamik qaammatinik pingasunik sivisussuseqassanganneqartumik tunuarallarpit, taava taassuma nammineq sinniisissaa tunuarallarfiup nalaani atuuttussamik siulersuisuni ilaasortangussaaq.

Imm. 11.

Siulersuisuni ilaasortap peqqinnginnini, allamik qinigaaffeqarnini, niuertutut suliani allaluunniit tamakkununga assersuunneqarsinaasut peqquutigalugit minnerpaamik qaammatini pingasuni siulersuisut qinigaaffini isumagisinnaangikkaa siulittaasooq ilisimatinneqaruni sinniisussaa siulersuisut ataatsimiinnissaannut siullermut ataatsimiigiaqqussaavaa. Siulersuisut ataatsimiinnerminni tamatumani aalajangissavaat sinniisussap isernissaanut piumasarineqartut eqqortinneqarnersut. Ilaasortap siulersuisuni pisussaaffini kingumut isumageqqilersinnaangorpagit sinniisussaq siulersuisunit tunuassaaq.

Kattuffiup siulersorneqarnera

§ 7.

Imm. 1.

Siulersuisut Kattuffiup siulersorneqarnera isumagisaraat, piareersartarlugit suliassat aallartitat ataatsimiinnerini suliarineqartussat, taakkuninnga ingerlatsineq pillugu nalunaarusiortarlutik kingullermik ataatsimiinnermiit pisimasunik Kattuffimmullu ilaasortat nalunaarfigisarlugit

ataatsimoorluni susassarisat pillugit kiisalu oqaluuserisassatut siunnersuutininik saqqummiussisarlutik.

Imm. 2.

Siulersuisut piginnaatitaapput suliani kommuninut tamanut tunngasuni isumaqatiginninniar-nissanut, aammalu suliani kinguartinneqarsinnaanngitsuni kommunit sinnerlugit isumaqati-giissuteqarnissanut atuuttussanik.

Siulersuisut imaluunniit sinniisut siulersuisunit piginnaanilerneqarsimasut isumaqatigiissu-teqarsinnaapput kommunit ilaasortaasut sinnerlugit aningaasarsianut sulisoqarnermullu tunngasuni Namminersorlutik Oqartussanik kommuninilu sulisut kattuffiinik peqatigiiffiinillu isumaqatiginninniarinnaatitaasunik.

Imm. 3.

Kattuffimmi siulersuisut piginnaatitaapput aalajangiinissamut peqatigiiffinnik imaluunniit kattuf-finnik suleqateqarnissamik pilersinneqarsimasunik immikkut kommunit suliassaasa aaqqinnissaat siunertaralugu, taamatullu siulersuisut pilersitsisinnaallutillu aallartitsisinnaap-pud ingerlatsivimmud allamut attaveqarnermik, ilaasortanut iluaqutaassangatinneqartunik.

Imm. 4.

Siulersuisut Kattuffimmut sinniisuupput. Siulersuisut piginnaanilersinnaavaat siulittaasoq, siulersuisuni ilaasortat ataasiakkaat imaluunniit Kattuffimmi atorfillit ulluinnarni ingerlatsi-nermi Kattuffimmut sinniisuussasut.

Pisinermi, tunisaqarnermi imaluunniit illunik qularnaveeqqusiissuteqarnermi kiisalu taarsi-gassarsinermi, sinniisuuneq taamaattoq siulersuisunit tamarmiusunit taamaallaat isumagine-qarsinnaavoq.

Imm. 5.

Kattuffik kommunit tamavimmik malitassaattut sunniuteqartussamik isumaqatigiissuteqarsin-naavoq tamani atuuttumik atorfinitsitsinermi soraarnerussutisiaqartitsinermilu atugassarititaasunik kommunini sulisut tamaasa pillugit. Isumaqatigiinniarnerit aningaasarsianut atorfeqarti-taanermilu atugassarititaasunut tunngasut aallartinginnerini Kattuffiup kommunit oqaase-qaataat piniaqqaassavai.

§ 8.

Imm. 1.

Siulersuisut aalajangiinnaatitaapput minnerpaamik ilaasortat tallimat najuuppata. Siuler-suisuni aalajangiinerit pisassapput amerlanerussuteqarneq malillugu. Taasinerit amerlaqati-giitsillugit siunnersuutigineqartoq itigartinneqartutut isigineqassaaq. Siulersuisut nammin-neerlutik suleriaasissartik aalajangissavaat, namminneerlutillu akunnerminni suliassat aggu-arlugit. Siulersuisut katersuuttassapput siulittaasup imaluunniit siulersuisuni ilaasortat pinga-sut qinnuteqarpata.

Imm. 2. Siulersuisut aalajangissavaat qaqugu sumilu ataatsimiinnerit pinissaat.

Siulersuisut ataatsimiittarneri tamanut ammasuunngillat. Suliani ilaasortamut ataatsimut im-mikkut soqutigineqartuni, tassunga sinniisunik siulersuisuni taaseqataasinnaanatik ataatsimeeqataasussanik aggersaasoqarsinnaavoq.

Imm. 3.

Aalajangiinernik imaqarniliaq siulersuisuni ataatsimiittoqareernerit tamaasa nassiussuunneqartassaaq ilaasortanut kiisalu aallartitatut qinikkanut.

Siulittaasoq

§ 9.

Siulittaasup sulinissani nammineerluni aaqqissuuttassavaa.

Siulersuisut erseqqinnerusumik killiliussaasa iluanni Kattuffiup susassa qarfiisa ulluinnarni aqunneqarnissaat siulittaasup isumagisassaraa. Siulersuisut ataatsimiittarnerat siulittaasup aquttassavaa aammalu aallartitat ataatsimiinneranni siulersuisunillu aalajangiunneqartut suliarineqartittassallugit.

Ataatsimiititaliat

§ 10.

Siulersuisut qanoq ilisukkulluunniit immikkut ataatsimiititaliorsinnaallutillu suleqatigiissitaliorsinnaapput siulersuisut sinnerlugit misissuisussanik, inassuteqaasiortussanik kiisalu atavartumik imaluunniit utaqqiisaagallartumik immikkut ingerlatassanik imaluunniit suliaassa qarfiit ilaannik ingerlatsisussanik siulersuisut suliaassa qarfiisa ataanni.

Ataatsimiititaliat sulinerannut malittarisassat siulersuisunit aalajangersarneqassapput.

Allattoqarfik

§ 11.

Siulersuisut atorfinitsissavaat direktøri Kattuffiup allaffissornikkut siulersorneqarneranik isumaginnittussaq, tamatumunnga ilaalluni allattoqarfimmi ikiortigisariaqartunik atorfinitsitsisarneq soraarsitsisarnerlu.

Kattuffimmi atorfilik kinaluunniit Kattuffiup siulersuisuini ilaasortaasinnaanngilaq.

Akissarsiat

§ 12.

Siulittaasoq borgmesterip akissarsiaasa affaannik akissarsiaqartinneqassaaq.

Siulersuisunut ilaasortat allat siulersuisut ataatsimiinnerinut ataatsimiinnernullu allanut siulersuisunut ilaasortaaneq tunngavigalugu peqataaffigineqartunut tunngatillugu ullunut angalaffiusunut ataatsimiiffiusunullu tamanut ullormusiaqartitsisoqassaaq angerlarsimaffittut najugarisap avataani tjestemandinut maleruagassat malillugit. Taakkua saniatigut uppersaaserlugu sulinikkut aningaasarsiaagaaluanut annaasanut taartisiaqartitsisoqarsinnaavoq/-namminersorluni inuussutissarsiutilittut honorarisitsisoqarsinnaavoq ulluni angalaffiusuni ataatsimiiffiusunilu. Tamannali siulersuisunut ilaasortanut borgmesteriusunut atuutinngilaq.

Ataatsimiinnernut tamakkununga peqataanernut aningaasartuutit, aamma angalanernut, nerisaqarnermut najugaqarnermullu il.il. Kattuffimmit akilerneqassapput.

Ilaasortaanermut akiliutit il.il.

§ 13.

Imm. 1.

Kattuffiup aningaasartuutaanut matusissutissanik kommunit Kattuffimmut ilaasortasut tamarmik akiliisassapput ilaasortaanermut akiliutinik, siulersuisunit ukiumoortumik angissusilerneqartartunik.

Ilaasortaanermut akiliutit angissusilerneqassapput innuttaasumut ataatsimut ukiumut ataatsimut akiliutit.

Imm. 2.

Siulersuisut ilaasortaanermut akiliutit ukiumut ingerlasumut akilersinniartassavaat marlungorlugit avillugit, akilerneqartussanngortussatut 1. januaari aamma 1. juuli.

Kingusinaarluni akiliinermi qaammatip ulluisa 10-at qaangiukkaangat pillaammik ernialiunneqartassapput 1,5 % qaammammut aallartittumut ataatsimut.

Imm. 3.

Politikikkut suliniutaanngitsunut imaluunniit kiffartuussinerunngitsunut Kattuffik akiliisitsiniarsinnaavoq akit ukiumoortumik missingersuutit akuersissutigineqarnerannut atatillugu imaluunniit tunngavigalugit immikkut aningaasartuutinik naatsorsuinerit suliniummi pineqartumi imaluunniit angissusilerneqartunik isumaqatigiisummi immikkut suliasatut piniarneqarsimasoq pillugu.

Naatsorsuutit kukkunerisiuinerlu

§ 14.

Imm. 1.

Kattuffiup ukioq naatsorsuiffia tassa qaammatisiutit ukiuat. Siulersuisut qaninnertut ingerlatsineq isumagisaraat peqatigiiffiup karseqarneranut naatsorsuuseriveqarneranullu tunngasoq.

Imm. 2.

Siulersuisut ukiumoortumik naatsorsuutinik saqqummiussisassapput. Ukiumoortumik naatsorsuutit taakku siulersuisut kukkunerisiusutut qinigaannit kukkunerisiorneqassapput ilaasortanullu nassiunneqassallutik. Taava naatsorsuutit kukkunerisiukkat aallartitat ileqquusumik ataatsimiinneranni akuerisassanngorlugit saqqummiunneqassapput.

Malittarisassanut allannguutit peqatigiiffiullu atorunnaarsitaanera

§ 15.

Imm. 1.

Malittarisassanik allanngortitsineq taamaallaat pisinnaavoq aallartitat ataatsimiinneranni taaseqataasinnaallutik aallartitat ikinnerpaamik 2/3-iisa isumaqataallutik aalajangiinerisigut.

Imm. 2.

Kattuffiup atorunnaarsinneqarnissaa taamatulli amerlanerussuteqarluni atortussanngorlugu aalajangerneqarsinnaavoq aallartitat ataatsimiinneranni, taasinerli pissaaq aternik suaarutiginnittarnikkut, atorunnarsitsinissamillu siunnersuut kisimiitillugu taasissutigittinneqassaaq allaganngorlugulu Kattuffimmi ilaasortanut tamanut nalunaarutigineqareersimassalluni sivikinnerpaamik qaammatit 4 sioqqutsisumik.

Imm. 3.

Atorunnaarsitaanissaa aalajangerneqarpat tamatumunnga peqatigitillugu Kattuffiup aningaasaataasa sumut atorneqarnissaannik aalajangiisoqassaaq. Ilaasortaasut Kattuffik amigartooruteqassagaluarpat akisussaaqataajuassapput.

Suliarineqartut Kattuffimmut aallartitat ataatsimiinneranni 14. juuni 2013, Ilulissani ingerlanneqartumi, atortussanngortinneqartullu siulersuisut ataatsimiinneranni ulloq 22. agusti 2013.